

**ANTIQUÆ  
INSCRIPTIONIS  
EXPLANATIO IN  
QUA DE  
LOCATORIBUS...**

---

Domenico Giorgi



# ANTIQUÆ

INSCRIPTIONIS

# EXPLANATIO

IN QUA

DE LOCATORIBUS SCENICORUM

DISCEPTATUR.



MONTEFALISCO, MDCCXXVII.

Ex Typographia Seminarii.

---

*Superiorum Consensu.*



# ANTIQUÆ INSCRIPTIONIS EXPLANATIO

IN QUA

DE LOCATORIBUS SCENICORUM

DISCEPTATUR.



Ternæ urbis hoc præ ceteris decus est, ut in ejus celebri solo effodiendo, præclarum aliquod monumentum ex ipsis ruderibus indies emergat, auro contra ab antiquitatum studiosis æstimandum, ex quo prisca Romani nominis majestas, splendor, instituta, moresque reviviscere quodammodo videantur, novaque propterea Reipublicæ literariæ præsidia, ac ornamenta accedant.

Sub finem anni superioris ad portam S. Sebastiani, vulgò antiquam Capenam, sed intra pomerium, nimirum viginti circi-

I.  
Oisuariū  
detectum  
ad portam  
Capenam.

A 2

ter

ter passus ante ipsius portæ egressum in lævo latere Appiæ viæ supra modicum clivum erutum fuit sepulcrale conditorium, quod *ossuarium*, & *columbarium* ab antiquis etiam est appellatum, in quo inscriptiones aliquot eorum, qui ibidem positi fuerant, detectæ sunt. Hujus invivendi studio adductus Eminentissimus Princeps, ac Dominus meus clementissimus Joseph Renatus Imperialis tit. S. Laurentii in Lucina, ac presbyterorum S. R. E. Cardinalium prior, eò proficisci statuit die xxvi. Januarii hujus anni MDCCXXVII. illiusque rei causa Patrem Domnum Cælestinum Galianum Ordinis Cælestinorum Procuratorem Generalem, ac Abbatem Lucam Nicolaum Recchum, amplissimi Cardinalis à cognitionibus accivit, meque etiam iis comitem addidit. Ad præstitutum locum accessimus, sed proh dolor! columbarium ipsum à vineæ conductore pene disiectum invenimus, ingestis quoque in ipsum ruderibus, ut quæ ejus magnitudo, ac figura fuerint, agnoscere non potue-

## EXPLANATIO.

potuerimus . Seposuerat ille nonnullas ejusdem conditorii inscriptiones , & anaglyphica fragmenta , ignarus quid essent : hoc unum ratus , se ex ipsis lapidibus aliquam pecuniam ab emptoribus accepturum .

Ego vero inscriptiones illas raptim , atque avide exscripsi . Has inter singularis , ac luce publica digna mihi visa est , quam hîc profero :

Q. GAVIVS ARMONIVS  
LOC. SCAENICORVM  
VIXIT ANNIS XXIII. M VI

Hanc ipsam inscriptionem brevi quadam interpretatione illustrare , haud abs re futurum putavi , atque eruditorum de mea qualicumque opinione sententiam rogare .

Gradum igitur primum facio ad notas illas breves LOC. quibus , ni mea me fallit

IL:  
Interpretatio in  
scriptionis.  
Loca-  
re, & Lo-  
cator  
quid.

A 3

opi-

opinio, LOCATOR exprimitur. Qua verò auctoritate, quibus testibus, monumentis, & conjecturis id asseram, haud ita multis præstabo.

*Locandi* verbum, cum apud Latinos scriptores, tum apud veteres Jurisconsultos sæpe usurpatur, cum quis, mercede constituta, paciscitur cum aliquo de re, aut opere efficiendo, seu disciplina tradenda. Hujus verbi in hanc significationem apud Latinos, vel aureæ ætatis, innumera exempla suppetunt: nos aptiora, rei, de qua agimus, confirmandæ, selegimus. Cicero pro Q. Roscio Comædo n. 28. *Disciplina*, idest ars histrionica, *quæ ab hoc* (Roscio) *erat tradita*, LOCABAT *se non minus* HS. CEC 1000. Idem lib. 1. Act. 11. in Verrem n. 50. *cum L. Octavius, C. Aurelius Cos. ædes sacras* LOCAVISSENT; quo verbo sæpe Cicero in eadem Verrina utitur. Lib. 1 11. in ipsum Verrem n. 145. *Opus tu, quod* HS. DLX. millibus *faciendum* LOCASTI. Et n. 154. *LOCARAT opus faciendum magna pecunia*. Philippica 1x. in fine: *Utique C. Pansa,*  
A.

*A. Hirtilius consules, alter ambove, si eis videbitur, quaestoribus Urbanis imperent, ut eam basim, statuamque faciendam, & in rostris statuendam LOCENT: quantique LOCAVERINT, tantam pecuniam redemptori attribuendam, solvendamque curent.* Reliqua Ciceronis loca omitto, ne fastidium pariam. Præclarum est etiam Livii testimonium lib. xxxiv. cap. lili. quod, utpote longiusculum, non adfero. Ad veteres leges accedo. In lege iil. Digestorum de his, qui notantur infamiâ hæc habentur: *Qui operas suas LOCAVIT, ut prodiret artis ludicræ causa, neque prodit, non notatur: quia non est ea res adeo turpis, ut etiam consilium puniri debeat.* Vides ergo ab histrionibus locatas fuisse operas suas, & disciplinas ab his traditas. Alias leges in hanc significationem, si cupis, adi legem xxxi. §. qui ædem, Digest. locati, leg. iil. §. si conservatis de lege Rhodiâ, leg. i. §. qui operas, Digest. de postulando, & legem xlii. de fidejussoribus.



Pari quoque ratione *locator* is dicitur ; qui pro aliquo opere, aut re facienda, statâ pecuniâ, cum aliquo contrahit . Mos fuit apud Romanos , ut sumptus funeris locarentur ; itaque is , qui cum Libitinariis contrahebat , ut omnem apparatus , conventâ mercede, suis sumptibus præstarent, *locator funeris* dicebatur . Audi Plinium lib. VII. cap. LII. *Romæ quoque Corfidium materteræ suæ maritum , funere locato revixisse , & LOCATOREM FUNERIS ab eo elatum .* Hinc frequenter apud veteres *funus locare* , & similia .

Ex his ergo veterum testimoniis , in quibus , quæ vis verbi locandi sit, maxime elucet , non immerito colligo , singulares illas literas in nostra hac inscriptione de LOCATORIBUS histrionum esse intelligendas.

Quid quod autem , si in antiquo lapide hoc ipsum nomen apertissimis literis expressum est ? Exstat in Gruteriano thesauro pag. MXXIV. 5. nobile monumentum , quod Mediolani positum est duobus scenicis artificibus , *curante Calopodio locatore.*

*torre*. Hoc autem loco minimè à nobis illud prætereundum esse censuimus, ut videas quantum lucis ex hoc ipso noster lapis accipiat, & appositè quantum ille per nostrum illustretur. Mediolanensis porrò lapis talis est.

D

M

**CVRANTE CALOPODIO LOCATORE**

THEOCRITI  
AVGG. LIB  
PYLADI  
PANTOMIMO  
HONORATO  
SPLENDIDISSIMIS  
CIVITATIB. ITALIAE  
ORNAMENTIS  
DECURIONALIB. ORNA  
CREX  
ROMANVS  
OB. MERITA. EIVS  
TITVL. MEMORIAE  
POSVIT

Hujus

Hujus monumenti figura in modum aræ affabre efformata est, ad latera sculpti sunt duo histriones, mimicis ornamentis induti, alteri nomen est IONA, alteri VERÒ TROADAS, qui SVI TEMPORIS PRIMUS dicitur. Quum igitur legamus in summa fascia, hoc monumentum hisce ludionibus ponendum curasse *Calopodium locatorem*, utique apparet, ni hoc exemplo fallor, siglas lapidis à nobis in lucem eruti, de locatore esse accipiendas. Quæ quum ita sint, ob hoc ipsum nomen, quanto in pretio habenda sit hæc inscriptio, antiquitatum amatores intelligant, quòd in tota Gruteriani thesauri collectione, nusquam alias hoc nomen, nisi in memorato Mediolanensi lapide occurrat.

His ita constitutis, sequitur, ut qui locatores ipsi fuerint, definiamus. Erant igitur, qui constitutâ mercede, cum Ædilibus, ad quos ut plurimum cura, & impensæ ludorum theatralium pertinebant, aut cum ludorum editoribus, corpus histrionum pro ludis faciendis locabant.

Mirari

Mirari certè licet, cur à viris doctissimis Justo Lipsio, Julio Cæsare Bulengero, ac aliis, qui de veteri theatro syntagmata scripsere, quum varia officia ministrorum theatri in medium protulerint, de locatoribus ne verbum quidem factum sit; fortè quia nunquam hoc nomen apud veteres scriptores offendere; ex quo lapidis nostri æstimatio augetur.

Percontari autem ex me hoc loco nonnulli mihi videntur, quæ pecuniæ summa exigi à locatoribus soleret, & quantam ipsi histriones acciperent. Initio quidem quum primum Romæ ludi scenici instituti sunt, nimirum A. V. 390. nihil à spectatoribus solutum fuisse arbitror, sed paulatim, sicut in ludis celebrandis ingentes pecuniæ copiæ insumptæ sunt, ita & scenicorum mercedes modum excescere. Ludorum profusas impensas sua ætate Livius damnat, dum eorum origines refert lib. VI I. cap. II. *Præter aliarum parva principia rerum, inquit, ludorum quoque prima origo ponenda visa est, ut appareret,*

III.  
Merces;  
& præmiis  
scenicorum.

*reret, quam ab sano initio res in hanc vix  
opulentis regnis tolerabilem insaniam ve-  
nerit. Qui primus apud Græcos Tragœ-  
dum egit, Horatio teste in arte poetica:  
vilem certavit ob hircum.*

Livius quoque auctor est lib. xxxiv. cap. xliv. & liv. usque ad A.V. 559. populum in promiscuo una cum Senatoribus spectasse, & tum primum loca Senatoria à ceteris secreta fuisse: quod Sextus Ælius Pætus, & C. Cornelius illius anni Censores Ædilibus curulibus imperarunt.

Origo autem pendendi aliquid pro spectaculis, ex Græcis accepta à Romanis videtur; nam primum Periclem ferunt, ut plebeculæ gratiam iniret, quum tenuiores inopiæ causâ loca emere non possent, quæ à divitibus data pecunia occupabantur; publicas omnes pecunias, *theoricas* esse voluisse; quod habet Ulpianus Olynthiaca prima. Itaque Athenienses pecunias militares populis viritim dividebant, ut singuli duos obolos acciperent: & altero vitam tolerare, altero spectare in theatro pos-

possent . Ea pecunia igitur , quæ pro scenicis spectaculis solvebatur , à Græcis *theorica* dicebatur , ut observat Ludovicus Cælius Rhodiginus lib. viii. cap. ix. quod *thea* apud eos spectacula vocentur . Vide fusius ea de re Carolum Sigonium de Republica Atheniensium lib. iv. c. ii. Romæ vero Ciceronis ævo adeo excreverat histrionum merces , ut hac arte vel solus Comædus summas divitias pararet. De Q. Roscio Comædo testatur ipse Cicero in oratione pro eodem Roscio n. 23. *Prob Deum* , inquit , *hominumque fidem* , qui HS ccclxxx , ccclxxx , ccclxxx *quæstus facere noluit* , nam certè HS ccclxxx , ccclxxx , ccclxxx , ( idest tercentum millia sestertiûm ) *merere* , & *potuit* , & *debuit* : *si potest Dionysia* HS ccclxxx , ccclxxx *merere* , *is per summam fraudem* , & *malitiam* , & *perfidiam* HS. lxxx *appetit* , & *illa fuit pecunia immanis* , *hæc parvula* : *illa boneſta* , *hæc sordida* : *illa jucunda* , *hæc acerba* ; *illa propria* , *hæc in cauſſa* , & *judicio collocata* . Decem bis annis proximis

*mis HS. sexagies honestissime consequi potuit: noluit: laborem quæstus recepit: quæstum laboris rejecit; populo Romano adhuc servire non destitit: sibi servire jam pridem destitit. De hoc eodem Roscio, & Ælopo, Ciceroni quoque grato, hæc affirmat Macrobius Saturnalium lib. 11. cap. x. Is est Roscius, qui etiam L. Sullæ carissimus fuit, & annulo aureo ab eodem dictatore donatus est. Tanta autem fuit gratia, & gloria, ut mercedem diurnam de publico mille denarios sine gregalibus solus acciperet. Æsopus verò ex pari arte ducenties sester-tium reliquisse filio constat. Quamvis autem, ut Justus Lipsius in syntagmate de Amphitheatro cap. xv. animadvertit, pro ludis spectandis loca gratuita esse viderentur, prisco tamen more receptum erat, ut aliquid, à servis præsertim, & à plebe penderetur. Huc siquidem idem Lipsius spectare ait, quod habet Plautus, seu vetus auctor in prologo Pœn. ver. 23.*

*Servi ne obsideant, liberis ut sit locus:  
Vel es pro capite dent: si id facere nō queunt,  
Domum abeant.*

Pe-

Pecunia porro illa, quæ in ludos, spec-  
 tacula, & in ipsos scenicos erogabatur, IV.  
Pecunia  
in ludos  
erogata,  
dicta lu-  
car.  
*lucar* ex Pompeii Festi auctoritate appel-  
 lata fuit, inde dicta, quod è lucis capte-  
 tur. Johannes Gherardus Vossius in Ety-  
 mologico verbo *lucar*, & *locar* Festum re-  
 prehendit, & hoc nomen à locis, pro qui-  
 bus hæc pecunia à sedentibus solvebatur  
 locariis, derivat. Verum Fulvius Ursinus  
 in notis ad Taciti Annal. lib. i. cap. LXXV II.  
 pag. 425. à lucis profectam *lucaris* vocem,  
 adstipulante Plutarcho in problematibus,  
 opinatur, suamque sententiam fide frag-  
 menti marmorei firmavit, in quo incisum  
 erat DE LVCARI LVDORVM SAECVLARIVM, &  
 LUCARIS NOMINE. Hoc autem fragmentum  
 Senatus Consultum de ludis sæcularibus,  
 C. Silano, & C. Furnio Coss. hoc est A. V.  
 737. actis, ipse Ursinus edidit in fine libri  
 de legibus, per insignem Antistitem Anto-  
 nium Augustinum vulgati. Johannes vero  
 Ludovicus de la Cerda Advers. sacrorum  
 cap. XLIX. §. 6. mendum esse in Festo,  
 verbo *lucar* contendit: nam quum in edi-  
 tis



tis Festi exemplaribus habeatur : *lucar* appellatur , quod *ex lucis captatur* ; loco *lucis* , ille legit *ludis* ; *lucar* enim , scribit , pro ludis dabant de privato ære spectatores , & interdum de publico . Ibidem notat , *lucar* fuisse mercedem saltatorum , & histrionum : hinc à Tertulliano adversus Gnosticos cap. VIII. literis traditum , Sanctum Jo: Baptistam capite cæsum fuisse *in puella saltica lucar* . Certè quidem Sospater Charisius institutionum Grammaticalium lib. I. *lucar* , theatricum argentum explicuit . Cassiodorus autem lib. I. var. epist. xxxi I. stipendium mimicorum , *menstruum* appellat , fortasse quia singulis mensibus daretur .

V.  
Quibus  
pecunia  
tradere-  
tur .

Merces theatri , ut est apud Julium Cæsarem Bulengerum de theatro libro I. cap. LVIII. dabatur apud Græcos ei , qui *theatrona* vocabatur ; & qui pecuniam à populo exigebant , æruscatores dicti sunt . *Theatrona* , inquit , erant redemptores theatrorum ; qui facienda , &

ex-

extruenda subita theatra conducebant. Totam verò summam, quæ, sive ex populo, & ex spectatoribus colligebatur, in nanus Ædiliū devenisse puto, quorum erat sumptus ludorum facere.

Sed ut ad mercedem, & præmia sceni-  
corum sermo redeat, certa de his ratio reddi non potest, quum subinde mutata res sit, aut profusis largitionibus modus impositus. Tiberius A. V. 768. theatri licentiam coercuit, & hiltrionum mercedes decurtavit, ut habet Suetonius in vita cap. xxxiv. *Ludorum, inquit, ac munerum impensas corripuit* MERCEDIBVS SCENICORVM RESCISSIS. Tacitus verò Annalium lib. 1. cap. lxxxv i i. rem narrat his verbis: *De modo lucaris, & adversus lasciviam fautorum multa decernuntur*. Ceterum vulgarium actorum mercedem fuisse quinque denarios, Justus Lipsius in excursu ad Ann. Tac. lit. E. pag. 499. edit. Platin. existimat, sed sæpius id immutatum pro genio vulgi, & editorum. Ex Senecæ epist. lxxx. non aliud, quam quinque modios,

VI.  
Stipendiis  
hiltrionū  
modus  
impositus.

B

&amp;

& quinque denarios datos liquet : *Ille , qui in scena elatus incedit , & hac resupinus dicit , imperito Argis , servus est , quinque modios accipit , & quinque denarios .* Similia refert Lucianus in Icaromenippo . Ecquis autem è contra sibi non persuadeat , immensam pecuniam in scenicos à Nerone collatam ? Tanti erant , eo imperante , histriones , ut ipsi Neroni , quo inter scenicos privatis spectaculis operam daret , quidam Prætorum , quod Suetonius in vita cap. xxi. affirmat *hs. decies obtulerit .* Quapropter Galba , ut est apud eundem Suetonium cap. xv. *liberalitates Neronis , non plus decimis concessis , per quinquaginta equites Romanos , ea conditione revocandas curavit , exigendasque , ut & siquid SCENICI , aut Xystici donatum olim vendidissent , auferretur emtoribus , quando illi , absumpto pretio , solvere nequirent .* Sensim verò scenicorum mercedes excrevere , hinc factum , ut M. Antoninus Imperator eas corripuerit : *Temperavit ,* Capitolinus inquit in vita cap. xi. *scenicas donationes ;*  
*jubens ,*

*jubens, ut quinos aureos scenici acciperent: ita tamen, ut nullus editor decem aureos egrederetur. Magno tamen, clamat Lipsius memorato nobis nuper loco, corruptis moribus incremento. De his quoque aureis meminit etiam vetus Scholiastes Juvenalis in Satyr. vii. vers. 243.*

*Accipe, victori populus, quod postulat aurū. Ut in theatro, inquit, solent petere quinque aureos: nam non licebat amplius dare.*

Quis verò non modo Romanorum, VII. Scenici  
sed Italicarum urbium levitatem, ne Scenici  
dixerim insaniam, miretur, quum Scenici  
nicos, & præmiis amplissimis, honoribus  
magistratum, & civitate ipsa aliquando  
donarint. Testem adhibeo unum M.  
Tullium in oratione pro Archia poeta  
n. 5. Etenim, inquit, cum mediocribus  
multis, & aut nulla, aut humili aliqua  
arte præditis, gratuito civitatem in Græcia  
homines impertiebantur, Reginos credo,  
aut Locrenses, aut Neapolitanos, aut Ta-  
rentinos, quod SCENICIS ARTIFICIBUS largiri  
solebant, id huic summa ingenii præditi  
P 2 glo-

*gloria noluisse?* Atque illud etiam mirandum est, aliquando ab equitibus Romanis ludicram artem in theatris excultam fuisse: Augustus enim ad *scenicas, & gladiatorias operas, etiam equitibus Romanis usus est: priusquam S. C. interdiceretur*. Suetonius cap. XL I I I. Mitto lapides, in quibus de ornamentis decurionalibus, ac magistratibus concessis mimis, ac pantomimis mentio fit.

VIII.  
Scenici  
infames.

Attamen Romanis legibus infames histriones declarantur in lege I I. lib. I I I. Digestorum de his qui notantur infamia; sed nos ea de re paullo post: tu interim vide Bulengerum de theatro lib. I. cap. I. & ad honores scenicis collatos quod attinet, Lælium Bisciolam horarum subsellarum lib. XI X. cap. V. pag. 1430.

IX.  
Scenico-  
rum vox  
in hac in-  
scriptione  
explicata.

Nunc autem a re ipsa parumper declinantes, ad verbum illud SCAENICORVM, in inscriptione positum convertamus animum. Nullus ambigo, quin hæc vox in hocce lapide de scenicis actoribus intelligi debeat, non de epitheto ad rem theatralem

tralem pertinente. Protritum enim est, histriones, & ludicram artem professos, à Latinis scriptoribus, & *scenicos* simpliciter, & *scenicos artifices* appellatos. In testem adduco Ciceronem ipsum, latinæ linguæ exemplar. Audi ejus verba lib. 1. offic. cap. xxxi i i. *Ne SCENICI plus, quam nos videantur habere prudentiæ.* Et cap. xxxv. *SCENICORVM quidem mos tantam habet verecundiam, ut in scenam sine subligaculo prodeat nemo.* In oratione verò pro Archia poeta n. 5. ut supra vidimus, *artifices scenicos*, histriones nominavit. Lapidum exempla non advoco, utpote notissima; & vel ipse titulus Codicis Theodosiani lib. xv. tit. vi i. *de Scenicis* sententiam hanc maxime comprobat, ne ad infinitos scriptores provocemus.

Nulla item hæsitatio esse debet ob hujus nominis orthographiam. Si quis enim erit priscae apud veteres scribendi rationis parum gnarus, qui forte putet, vitiose hanc vocem *SCAENICORVM* pro diphthongum *AE* exaratam, ideoque ad inferiorem ætatem

X.  
*Scenicus,*  
& *scena*  
cum diph  
thongo.

lapidem ipsum amandandum contendat, ne id præceptis statuat, eum rogabimus. Volumus enim, ut prius intelligat ex Aldo Manutio juniore in orthographia pag. 700. edit. anni 1566. *scenam* quidem sine diphthongo scribi, ut à libris, & à Græca consuetudine docemur, verum aliter profuturum in lapidibus quibuscumque is viderit, in quibus SCAENA, & SCAENICI cum diphthongo efferuntur, ut certe præferunt inscriptiones apud Gruterum pag. ci. 3. cclxx. 6. cccxxx. 2. cccxxx. 1. 4. & 6. ccccix. 3. cccclxv. 1. 7. dlxxix. 2. Adde Claudium Dausquium in orthographicis pag. 281. Gherardum Jo: Vossium in Etymologico verbo *scena*, ex Varronis, & Prisciani sententia. Immo aureo illo linguæ latinæ sæculo per diphtongum hæc voces scribebantur, quod patet ex Pisano cenotaphio Caii Cæsaris, Augusti nepotis. Visuntur in eo lin. 30. hæc verba LVDI SCAENICI. Non diffitemur quidem cum magno Norisio in Dissert. iv. pag. 482. de cenotaphiis Pisanis variatum in *scena*,  
&

& *scenicorum* scribendi ratione, sed frequentius in lapidibus, vel optimæ ætatis, hæc nomina occurrere cum diphthongo, quæ quum sine ulla certa ratione, ut observat Christophorus Cellarius in orthographia latina, scribantur, vulgarem consuetudinem nos quoque amplectimur; satis nobis est priscum, & frequentem morem indicasse.

Sed his orthographicis dimissis, ad ea mentem convertamus, quæ christianos maximè decent, & in mentem revocemus quantopere Ecclesia Dei, ac primi Patres, ipsique christiani Imperatores, spectacula, & ludicram artem exhorruerint, & improbarint. Romanorum inconstantiam non moramur, quorum leges infamiâ actores notabant, nihilominus eosdem identidem honoribus afficiebant, ut superius adnotavimus. Sanè quidem vel ipsi ethnici scriptores facti sunt, per mimos, pantomimos, ludiosque, flagitiis ac turpitudine scenam fœdatam. Id ultro dedit Ovidius, poeta minime amorum.

XI.  
De infamia, & impudicitia theatri.

B 4

pro-



profligator, qui in hanc sententiam cecinit, Tristium lib. I. eleg. I. vers. 279.

*Ut tandem hoc fatear: ludi quoque semina  
præbent*

*Nequitia: tolli tota theatra jube.*

*Peccandi causam, quæ multis sæpe dederunt,*

*Martia cum durum sternit arena solum.*

Inter poetas quoque minime verecundos Propertius lib. I. eleg. xx I. docet libidinis, atque impuditiæ, theatra in causa esse; cui adstipulatur Ovidius de arte amandi lib. I. vers. 89. & sequentibus.

Quo autem studio, atque ardore in spectacula nostros illos priscos Ecclesiæ Patres stylum acuisse putas? Instar omnium nobis sit Tertullianus, qui in lib. de spectaculis cap. xx I. honoribus summos, ludorum actores narrat: *Etenim, inquit, vel ipsi auctores, & administratores spectaculorum, quadrigarios, SCENICOS, xysticos, harenarios illos amantiſſimos, quibus viles animas femina, aut illi etiam corpora sua subſternunt, propter quos in ea committunt,*

tunt, quæ reprehendunt, ex eadem parte;  
 quam magni faciunt, deponunt, & demin-  
 nuunt, immo manifeste damnant ignomi-  
 nia, & capitis minutione, arcentes curia,  
 rostris, senatu, equite, ceterisque honori-  
 bus omnibus, ac ornamentis. Cap. x. Cen-  
 sorum Romanorum priscam disciplinam,  
 Cornelio Nasica auctore, commendat,  
 quum theatra solo æquare jusserunt: Sæpe  
 Censores renascentia cum maxime theatra  
 destruebant, moribus consulentes, quorum  
 scilicet periculum ingens de lascivia pro-  
 videbant. Et in Apologetico cap. vi.  
 Romanis probro vertit, quod saluberri-  
 mas illas leges labefactarint. Quoniam  
 illæ leges abierunt, quæ theatra stuprandis  
 moribus orientia, statim destruebant?  
 Mox: Video & theatra, nec singula satis  
 esse, nec nuda. Nam, ne vel hieme volu-  
 ptas impudica frigeret, primi Lacædemonii  
 penulam ludis excogitaverunt. Accipe  
 præterea quantopere is urgeat, ut specta-  
 cula a Christianis fugiantur: Similiter, in-  
 quit cap. xviii. de spectaculis, impudicitiam

*omnem amoliri jubemur . Hoc igitur modo etiam à theatro separamur , quod est privatum confistorium impuditiæ , ubi nihil probatur , quam quod alibi non probatur . Ita summa gratia ejus de spurcitia plurimum concinnata est , quam Atellanus gesticator , quam mimus etiam per mulieres representat , sexum pudoris exterminans , ut facilius domi , quam in scena erubescant . Quam denique pantomimus à pueritia patitur in corpore , ut artifex esse possit . Ipsa etiam prostibula publicæ libidinis hostiæ in scena proferuntur ; plus misere in præsentia feminarum , quibus solis latebant , perque omnis ætatis , omnis dignitatis ora transducuntur , locus , stipes , elogium , etiam quibus opus non est , prædicatur . Taceo de reliquis , ea , quæ in tenebris , & in speluncis suis delitescere decebat , ne diem contaminarent . Erubescat Senatus , erubescant ordines omnes . Ipsæ illæ pudoris suæ interemptrices , de gestibus suis ad lucem , & populum exparvescentes , semel anno erubescunt . Jam vero Christianos à spectaculis*

le

se abstinuisse, docet in Apologetico cap. xxxviii. *Æque, inquit, spectaculis vestris renunciamus, in quantum originibus eorum: quas scimus de superstitione conceptas, cum & ipsis rebus, de quibus transiguntur præter sumus, nihil nobis est dictu, visu, auditu, cum infamia circi, cum IMPUDICITIA THEATRI, cum atrocitate arene, cum xysti vanitate.* In hanc porro sententiam adversus spectacula loquuti sunt S. Cyprianus epist. ii. ad Donatum edit. Pamellii, & cap. v. de spectaculis, Lactantius lib. vi. cap. xx. S. Augustinus lib. ii. de civit. Dei a cap. iv. ad xiv. ut alios prætermittam.

Adeo verò Ecclesia Christi primis sæculis scenicos averfata est, ut, si auctori Constitutionum Apostolicarum lib. viii. cap. xxxviii. fides est, histriones à baptismo arcerentur. Benignior fuit Ecclesiæ disciplina sæculo iv. incunte. Nam Concilium Illiberitanum habitum A.D. 305. can. lxi. censuit, comicos ad baptismum recipiendos esse: eâ tamen conditione,

XII.  
Sanctio-  
nes Con-  
ciliorum  
in sceni-  
cos.

ne, ut prius artibus suis renuntient, ita ut ulterius non revertantur. Quod si facere contra interdictum tentaverint, projiciantur ab Ecclesia. Idem Illiberitani Patres can. LXVI. statuerunt, prohibendum, ne qua fidelis cathecumena, aut comicos, aut viros scenicos habeat: quæcumque hoc fecerit, à communione arceatur. Ludicram artem agentes ab Ecclesiæ communione perpetuo segregati fuisse videntur, neque admissi, etiam in fine vitæ: donec ab Africano Concilio cap. XII. definitum fuit, ut scenicis, atque bistrionibus, ceterisque hujusmodi personis reconciliatio non negetur. Ea si quidem piæ matris Ecclesiæ mens fuit, ut jam morituris, si peterent, sacramenta, non denegarentur. Confer in rem hanc Ferdinandum Mendozzam de Illiberitano Concilio confirmando pag. 477. & sequentibus, & pag. 498. 499. ac Jacobum Gothofredum in commentar. ad legem 1. Cod. Theod. de scenicis.

XIII.  
Imperato-  
rum leges

Ipsi quoque Christiani Imperatores latitis legibus, scenici s pro infamibus habuerunt,

re,

re ; eorumque munus inter turpia ablegarunt ; sancientes præterea , ne scenici , scenicæve , si Christianam religionem amplecterentur , ad ludicram artem exercendam amplius redire possent . Id enim constituit Valentinianus senior A. D. 371. ut est in leg. 1. Cod. Theod. de scenicis. Idem eodem anno aliam legem edidit , qua filix scenicarum , si inhonestam vitam ducerent , scenicæ conditioni accensebantur ; eximebantur vero , si honestè viverent , aut christianæ religioni se manciparent . Minimè autem licebat iis , qui prius scenicas operas professi fuerant , si post Christi fidem amplecterentur , ad eam artem reverti : quod quidem Imperatores Gratianus , Valentinianus , ac Theodosius Augusti A. D. 380. 381. leg. IV. VIII. & IX. Cod. Theod. de scenicis vetuerunt.

Hæc satis pro re nata de Ecclesiasticis , & Imperatorum sanctionibus adversus scenicos . His autem commentariolum hunc absolvere nobis placuit , explanatoque Q. Gavii Armonii , locatoris scenicorum , offi-

officio, in ludicram artem aliquantisper  
divertere. Si qua vero reprehendenda in  
mea hac interpretatione viris eruditis vi-  
debuntur, æqui bonique faciam.

XIV. *Opinio* Antequam vero manum de tabula mo-  
*cl. Fabret-* veam, obiter animadvertendum censeo,  
*ti de por-* ex loco eruti hujus sepulcralis monumenti  
*ta Cape-* intra ambitum murorum Urbis Romæ,  
*na confir-* opinionem V. C. Raphaelis Fabretti de  
*mata.* situ antiquæ portæ Capenæ confirmari.  
Fabrettus enim in Dissertatione de aquis  
& aquæductibus n. 43. & sequentibus acriter  
contendit adversus antiquarios fere  
omnes, nimirum Bartholomæum Marli-  
num, Olaum Borrichium, Alexandrum  
Donatum, Famianum Nardinum, alios-  
que bene multos, antiquam portam Ca-  
penam non fuisse, quam nos hodie por-  
tam S. Sebastiani appellamus, sed fuisse  
Cœliolum versùs, quod conjecturis non  
contemnendis comprobat. Quum igitur  
conditorium, de quo nobis sermo est, de-  
tectum sit intra pomœrium hodiernæ por-  
tæ, quæ eadem ac antiqua Capena ab his  
anti-

antiquariis, quos commemoravimus, judicata fuit, ex situ detecti monumenti apparet, alibi portam Capenam fuisse, quum notum sit sepulcra, ex legibus Romanis, constituta fuisse extra pomerium. Circa hunc situm præterea, certe ad hanc portam intra mœnia Urbis eruta fuit c. A.D. 1615. inscriptio L.Scipionis Barbati, quæ prodiit in lucem A. D. 1616. cura, & studio V. C. Jacobi Sirmondi; fatetur enim Sirmondus, L. Scipionis Barbati elogium ad Capenam, intra mœnia effosum fuisse: qua de re laborandum non esse censuit, quamvis, inquit, sepeliri intra mœnia mos non erat, eòne aliquando translatum fuisse potuit, aut sepulcrum ibi olim conditum; & mœnia post id tempus cum pomerii finibus amplificata. Verum dubitationem omnem eximit sepulcræ nostrum monumentum, atque adeo, si circa hujus situm inventus est lapis L.Scipionis Barbati, certum est non intra, sed extra portam Capenam fuisse. Scipionum autem sepulcra extra illam fuisse, fidem faciunt Livius  
lib.



lib. xxxviii. cap. lvi. & Cicero Tuscul.  
lib. i. cap. vii. ut Sirmondus monuit.

Commodum vero accidit, ut hanc lucubratiunculam, pro qua exaranda nonnulla in adversaria conieceram tum cum monumentum invisimus, per hosce dies autumnales, quibus valetudinis per æstivos Urbis calores affectæ, & imbecillæ, confirmandæ causâ, in amœno Montisfalisci aere dego, & viri doctissimi Ab. Alexandri Mazzinelli hospitalitate, & consuetudine, pro sua erga me humanitate, fruor, literis, deinde typis hujus celebris Seminarii mandarem; favente Illustrissimo ac Reverendissimo Domino Sebastiano Pompilio Bonaventura, Faliscanæ & Cornetanæ Ecclesiæ Præsule meritissimo. Tempus quoque me juvat, ne de hoc scriptionis genere reprehendar. Memoria enim teneo, S. Cyprianum in epist. ii. ad Donatū vindemialibus diebus scripta, tradidisse, non dedecere his diebus, in fabulis legendis, tempus aliquod insumere, ut exinde animus ad cœlestia meditanda raperetur.

*Bene*

*Bene admones, inquit, Donate carissime, nam & promississe me memini, & reddendi tempestivum prorsus hoc tempus est, quo indulgente vindemia, solutus animus in quietem, solemnes, ac statos anni fatigantis inducias sortitur. Locus etiam cum die convenit, & mulcendis sensibus, ac fovendis ad leves auras blandientis autumnii, hortorum facies amœna consentit, hinc jucundum sermonibus diem ducere, & studentibus fabulis in divina praecepta conscientiam pectoris erudire. Ibidem Cyprianus spectacula improbat, ac damnat.*

Postremo coronidis loco ceteras inscriptiones, ex memorato sepulchrali monumento eductas, luci damus, & sequutura pagina subijcimus.

XV.

Inscri-  
ptiones in  
ossuario  
reperitæ.

I.  
F. ONTEIA  
Q. ET. D. L  
PRIMA

---

II.  
FVLVIA . . . . .  
SIBI  
FVLVIO A . . . . .  
POSTERISQVE.....

III.  
D. M  
Q. MARCIO. CHARI  
TONI. CONIVGI. F. C.  
ANTISTIA. TYRAN  
NIS. BENEMERITI  
Q. V. A. LXV.

---

IV.  
L. NAEVI. . . . .  
PHAED . . . . .

---

V.  
C. VIBIVS  
fic  
ANDROMACH

VI.  
LYCIRE. HIRTIA  
AELIVS. LIGVS

---

VII.  
D M  
CARPOHORO . . . . .  
NIVGI KARISSIMO . . . . .  
NEMERENTI FECIT MO  
DESTA CONIVX CVM QUO VIX  
IT A. XX. V. A. P. M. L.

---

VIII.  
In cippo  
L. LICINIUS  
L. L. SVRVS

IX.

IX.

M.

. . . . .  
 . . . RELIVS. PHILETVS. AUG. LIB. . . .  
 . . . . . FVSTE ET. CVM BARISIA. MARCE. . . . :  
 . . . . . XE TAVRILIA PHILETE. FILIA . . . .  
 . . . . . FECERVNT. SIBI. ET SVIS  
 . . . . . TIS. LIBERTABVSQVE  
 . . . . . TERISQVE. EORVM

---

Dabam, apud Montemfaliscum XVI.  
 Kal. Novembres A. D. MDCCXXVII.

*Dominicus Georgius à Bibliotheca  
 Eminentissimi Card. Imperialis.*

IN:

# I N D E X

## C A P I T U M.

I. <i>Ossuarium detectum ad portam Capenam.</i>	pag. 3
II. <i>Interpretatio inscriptionis. Locare, &amp; Locator</i>	6
<i>quid.</i>	
III. <i>Merces, &amp; præmia scenicorum.</i>	11
IV. <i>Pecunia in ludos erogata, dicta lucar.</i>	15
V. <i>Quibus pecunia traderetur.</i>	16
VI. <i>Stipendiis histrionum modus impositus.</i>	17
VII. <i>Scenici honoribus affecti.</i>	10
VIII. <i>Scenici infames.</i>	20
IX. <i>Scenicorum vox in hac inscriptione explicata.</i>	ibi
X. <i>Scenicus, &amp; scena cum diphthongo.</i>	21
XI. <i>De infamia, &amp; impudicitia theatri.</i>	23
XII. <i>Sanctiones Conciliorum in scenicos.</i>	28
XIII. <i>Imperatorum leges de scenicis.</i>	29
XIV. <i>Opinio cl. Fabretti de porta Capena confirmata.</i>	30
XV. <i>Inscriptiones in ossuario reperta.</i>	33

685.1-4

Z

685.1-4



94

6.85.1-4



